

# ВИАН ЛИЙЖЕ ПЕРВЫЙ МАЙ!

Чыла элласе пролетарий-шымм. уичыт!



## Ямде мий

ВЛКСМ Маробком орган  
АДРЕС: Йошкар-Ола, Маяковский, 45.



№ 18 (699)

1941 ий 1 май

Изарня

### Первый май

1 май—боевой революционный пайрем. Тиде пайремым первый 1890 ийыште пайремлаш тунгалынт.

1 май—пашазе классын революционный вийжым боевой ончымаш.

Шемер-шамыч 1 май кечым у империалистический войнан пугырак шучко жапыштыже эртарат. Война утыр шарлен шога. Тудын мучашыже огеш кой. Капиталистический злодей-шамыч калык-шамычым у мировой империалистический бойныш шупшыт.

Уло тунясе шемер-шамыч 1 майым империалистический война ваштареш, мир да эрык верч кучедалме лозунг дене эртарат.

Советский Союзсо шемер-шамыч 1 майым кугу куанымаш дене пайремлат. Таче кечын советский калык шкенжын родиналан мучашдыме преданный улмыжым ончыкта. Шемер-шамыч тиде пайремым чыла фронгыштат кугу сенымаш-шамыч дене вашлийыт.

Советский Союз мир верч кучедалеш. Мемнан Йошкар Армий—мирын эгертышыже. Ме эл обороным, Йошкар Армий ден Военно-Морской флотын боевой куатным умбакыжат эре пенгыдемден толына. Тений эл оборонын кулешыжлан 70 миллиардат 900 миллион тенгем ойырымо.

Ме, йоча-шамыч, пналан ылышыште куанен илена. Кунам от куане, вет мемнан верч коммунистический партий ден советский правительство да лично великий Сталин кугун тыршат. Мемналан чыла условийым ыштыме. Тидлан ме чыланат сай да отлично тунемшаш улына.

20 кече гыч школлаште испытаний тунгалеш. Садланак мыланна испытанийлан сайын ямдылалташна кулеш.

Юный пионер ден школьник-шамыч, первый май дене!

Виян лийже пугынь тунясе шемер-шамычын вождьшо великий Сталин йолташ!



### ПАРАДЫШ! ЧЫЛАН — Василий Рожкин.

Адак сылын порсыналтын угыч толын  
Шошым сылне пайрем—Первый Май.

Таче лужко, лужкалт модын-шолын

Чинче, шдртньо элна, тенгыз гай!

Вот меат лектына пионерий

Моло дене пырля пайремлан.

Вот меат шергылтен шошым эрым

Каена май парадыш чылан.

Турлеман, ший йолван тумырна ден

Эртена ме чылан чот мурен.

Пеш сбралын чиен лекмына ден

Утыр чот сбраса Май урем.

Муралтен колтена гын меат—

Мурынаже мемнан онгыр гай.

Пуалтен колтена гын пучнам—

Шергылта уремлам гудок гай.

Эй, тый тумыр, йонгалт тун-тун-тун!

Шергылт кайже мемнан мур йук!

Кажне стройышто кайже чаткан,

Орын ончыат мемнан каймынам!

### Первый май

Могай сылне таче кече  
Могай сылне Первый Май!  
Шошо кече, шдртньо кече  
Тугд лукто чылашат.  
Йонга муро йырым-ваш,  
Кумыл кушкд нолталтеш.  
Вуй мучаште йошкар флаг  
Леве юж ден лунгалтеш.

Пионер ме улына,  
Чылан рат ден каена.  
Мемнан муро шергылтеш  
Сталин илме Кремль дек.

Иванов Васлий.

Сернурский район,  
Кой-Сола Н.Ш, 6-шо класс.

### Шкенан школнам ужартена!

Ронгинский средний школышто комсомолец ден пионер-шамыч колхозный да общественный верлам ужартыме нерген йодышым лончылен надмек, шке умбакышт теве могай обязательством налыныт:

1. Шкенан школа пеленсе участкеш фруктовый пушенге да саска пуышо вондер-шамыч садым ышташ. Кажне пионер ден комсомолец-лан 10 деч шагал огыл пушенгым шындаш.

2. Школа кудывечешат фруктовый да моло турло пушенге ден пеледыш-шамычым шындаш.

Нуно Марийский АССР-ын XX ияш юбилейже лумеш социалистический соревнованийыш ушнен, юбилей кечым шке школа портышто, кудывечыште турсы порядкым ыштен вашлияш, кузегынат шукарак ужар пушенге-шамычым шындаш мутым пуат.

11 майыште пионер, комсомолец ден школьник-шамыч школа пеленсе участкыш, уремаш тункан лектына. Тиде кечын пушенге, саска пуышо вондер, пеледыш-шамычым шындаш, клумба-шамычым ыштылаш, урем, сад, колхозный двор-шамычым да моло общественный верламат порядкыш кондаш тунгалына. Ме чыла пионер, комсомолец ден тунемше-шамычым мемнан семын ышташ ужнына.

Айста, корно воктелан, водоем, ер, пуга-шамыч йыр ужар сатым шынде-на! Пбрт, школа, клуб, сад, ялсовет, колхоз правлений - шамыч воктен клумба-шамычым ыштена, фруктовый, декоративный пушенге-шамычым шындашына!

Шкенан республикым пеледше садыш савырена!—тыге Ронгинский йоча-шамыч шке обращенийыштышт возат.

Пионер ден тунемше-шамыч! Айста чыланат Ронгинский средний школысо пионер, комсомолец да тунемше-шамычын ойышт почеш паша-ке пажынал 11 МАЙ—ШКОЛЫМ, КОЛХОЗЫМ УЖАРТЫМЕ КЕЧЕ ЛИЙЖЕ! Шкендан откликдам „Ямде лий“ газетышке во-зыва.





## МЕМНАН ДЕНЕ



### Тбилисисе пионер-шамычын Дворецышт

Тбилисисе ожно кавказский наместник князь Воронцовын резиденция (суртшым) Пионер ден октябр-шамычын Дворецышты савырыме. Тиде шүд ий ожно ыштыме портым олмыкташлан 3 миллионат пелэ оксам кучылтмо. Дворецыште 300 пөлем, тушто йоча-шамычлан тунемашышт, модашышт да канашышт чыла условий уло. Йомакысе гай вошточыш пырдыжан залыште йоча-шамыч тўшкан модаш тўналыт. Кок театральный залым моторны

оборудоватлыме, а Дворец воктенyse паркеш кумда спортивный залым ыштыме. Кум залыште Ленин ден Сталинын йоча да самырык годсо илышышт, нунын революционный пашахт нерген каласкалыше экспонат-шамыч улыт. Дворецыште авиаций, планеризм, шоко-шо элласе да технический культура, шелководство, мўкш ончымаш кабинет-шамыч улыт.

Эрла, 2-шо майыште, Советский Грузийын столицысе пионер ден октябр-шамычын Дворецышт почылтеш.

### Мый куанен тунемам

Ынде визымыше ий мый эре отлично тунемам. Испытаниймат отлично сдатлаш шонем.

Мыйын жапым моштен кучылтмем тунемаште пеш кугу польшым пуыш. Жапыште книгам лудынам, уроклан ямдылалтынам, шке жапыште модынам, каненам, сурт пашаште польшкаленам, жапыште малаш возам, кынедам. Мыйын кече режим пенгыде.

Мый чыла предметат йоратем, вет каже предметат интересней. Садлан каже тунуктышын урокшым внимательно колыштам.

Художественный литература лудмашат пеш кугун полша. Литература—мыйын сай йолташ.

Ме Деревяшкина Лида, Смирнова Нина ик партыште шинченa, чыланат пеш келшен илена. Ваш-ваш соревноватлена, ваш - ваш полшена. Нунат „отлично“ да „хорошо“ отметка дене гына тунемат.

Йошкар-Оласе 10-шо номеран средний школын отличникше-шамыч. Первый рядыште (шолa гыч пурлашке): Буркова Людмила, Горева Лида, Польшалова Лида, Макова Зина, Аникина Калерия. Кокымшо рядыште шолa гыч: Кириллов Гена, Дружинин Владимир, Бухонов Алеша да Ефимова Неля. Нуно Первый Май пайремым отлично отметка дене вашлийынт.

Фото С. Чуршукон.

### Мемнан пөлөкна

Мемнан классым школын куснылшо йошкар знамяже сорастрен кеча. Тиде знамям ме тыршен тунеммына дене кучедал налын улына. Ме чыланат пионер улына, 42 тунемше гыч шукожо сай да отлично гына тунеммына. Мемнан коклаште начар тунемше иктат уке. Тыгай сентымашке ме дружный паша дене шуын улына. Сай да отлично тунеммаш верч каже пионер-шамыч сообразательством налын улына. Классна 3-шо „А“, 3-шо „В“ да 8-ше номеран школысо 3-шо класс дене соревноватла. Тиде соревнованийыште мемнан класс первый верышке лектын.

Мемнан классыште тунемше-шамыч чыланат сыне мутан литературым лудыт, кбн могай книгам лудмыжо нерген, тудын содержанияже нерген ариялан ик гана урок деч вара обсуждатлена. Йоча-шамыч обсужденийыште активно участвоватлат.

Ме икте кожде БГСО значоклан нормым сдатлен улына, шукошт гын, „отлично“ оценке дене гына сдатленыт.

Классым ончыл верыш лухаш верч ме чыланат ик гай дружно тыршен улына. Садлан дирекций мыланна школын куснылшо йошкар знамяжым пуэн.

Мыланна веселан канаш, сай тунемаш чыла условий уло. Мемнан верч Советский правительство да лично Сталин йолташ тырша.

Отряд совет председатели: Мармышева Лиля.

Звено вожатый-шамыч: Кириллова Настя, Петухова Галия, Бахтиозин Рафа.

Йошкар-Ола, 4-ше номеран школа, 3-шо „Б“ класс.

### 47 тунемше ПВХО значокым налыч

Аз'яльский НСШ-ыште тунемше-шамыч Первый Май пайремым оборонный значоклан нормым сдатлен вашлийыч. Кодшо кечылаште 47 тунемше ПВХО значоклан нормым сдатлышт да значокшымаст налыч. Ынде тунемше-шамыч ГСО значоклан нормым сдатлаш тўналыт.

М. Евсеева.

Моркинский район.



### Английский йочан серышыже

Мыланем 12 ий, мыйын лўмем Генри. Мый Лондонышто илем. Мемнан тунемме школым эше петырыме огыл. Но школыш ко йоча-шамыч шагал коштыт. Мемнан классыште 45 тунемше гыч 12 гына занятийлаште лиедат. Молашт школыш огыт кошт.

Лондонышто ик кечыштак 4—5 гана воздушный тревога лиеш, садланак шуко йоча-шамычше бомбоубежищылаште лийыт.

Ме кызыт пеш начар илена. Магазинылаште кугу очередь: кочкышогеш сите, да тудыжланат воздушный тревога лиймеш налаш ваяшкат.

Но йўдымжб тылечат шуко лиеш. Война деч ончыч мый 8 шагат кастене малаш возам ыле. Ынде каже кечын гаяк 7 шагатлан воздушный тревога лиеш, садлан мый авам дене тревога деч ончыч убежищым миен шуаш тыршена. 6 шагат пелэ шумек ме ачамын завод гыч толмыжым чытыде вучена. Ме тудын верч лўдына: вет тудо шукарак кучалтмыже дене, тревога шоктымек бомбоубежище деч мўндырб лиеш гын—мо лиеш?

Ме чыланат пеш шагал малена: бомбоубежищылаште пеш шыгыр, да каже йўдымак налет лиеш. Самолет-шамычын бомбам кышкымышт дене мланде чытыдымын чот сургалтеш да мален колташат ок лий.

Шаланымаш, колышо да сусыргышо-шамыч нерген увер ола мучко пеш вашке шарла: вет кажныже шке лишыл егжым чама-на.

Аэроплан - шамычын мбнгеш чоңештен каймыкышт, чыланат бомбоубежище гыч лектыт. Ме, йоча-шамыч, олаште коштедена, снаряд осколкым погена. Мый 67 осколкым погенам.

Кузе гын тиде вашке пытыже! Ен - шамычым ынышт локтыл, ласкан малаш, тунемаш лийже да тынар йбсым ужаш ынже лий ыле, маным мый шонем.

### Негр йоча-шамычын илышышт

Америкын Соединенный Штатлашышт чылаже 14 миллион утла негр-шамыч илат. Негр-шамыч пашам пеш йоратыше, способный калык улыт. Но нунын капышт шеме улмылан гына Соединенный Штатлаште капиталист-шамыч негр-шамычын илышыштым чыташ лийдыме йбсым ышташ толашат. Тидат велэ огыл, США-ште негр-шамычым эскераш лўмын организаций-шамычат улыт.

Америкысе „Дейли Уоркер“ газета Мичиган штатыште улшо негр йоча-шамычын илышышт нерген воза. Феридейл олase ик школышто (тушто шукожо негр йоча-шамыч тунемат) тунуктышо-шамыч указанийым налынт: негр ден ошо - шамычым гыргы гуныкташ огыл, але негр ден ошо-шамычым ваш ужыкташ огыл. Шемер-шамычын йочашт

тыгай распоряженийым пумылан чот брынытат



США-ште негр-шамыч пеш йбсын илат. Снимкыште: негры ешыже.

забастовкым ыштеныт. Нуно негр йоча-шамычым-игылтым кызытак чарныза!—маным требоватленыт.

Нунын тўшкан ик ой дене выступатлымышт дене Феридейл олase властылан лўкмо законжым ваяталаш логалын. Детройтыштат негр-шамычым начар условияшты ашнаш маным тўрлө семын толашат. Миллерский школышто чылаже тўже-мат пелэ утла йоча тунемеш, нунын кокла гыч 90 процентше негр - шамыч улыт. Тиде школышто пеш шыгыр, модаш, гимнастика дене заниматлаш никуштат вер уке. Ик гана негр йоча-шамыч шке футбольный командыштым ышташ полша йодыныт, но тидлан отказатленыт.

## НУНЫН ДЕНЕ



### Йоча-шамыч шужен илат

● Испанийыште тўжем дене йоча-шамыч суртдымо, кўчен коштыш улыт. Нуно шужен ярневыт, садлан шукошт скелетла велэ койыт.

Мадридын уремлаштыже кече еда лу дене кўчызб йоча-шамычым поген налыт. Йоча-шамыч группалан тыгай йодышым пуэныт:

— Кугу лиймекеда тендан кб лиймыда шуэш ыле?

Шукошт каласеныт:

— Кугу лияшлан, мыланна эн ондак шужен колымо ок кўл.

● Чарлин ачаже Кептаун деч тора огыл (Южный Африка) фермыште батраклан пашам ыштен. Икмыннар тылзе ондак тудым паша гыч луктыныт. Нунын ешыштышт 5 йоча. Чарлилан—13 ий, тудо эн кугуракше.

Ачажым луктын колтымо деч вара, мбнгыштышт йбрышын начар лийын, да Чарли Кептауныш паша кычалаш каен.

Южгынам тудо пристаныште пашам ыштен оксам изишак налын кертеш улмаш. Но вот ынде аламынр нече тудо нимогай пашамат муын кертын огыл. Тудын кочмыжо пеш шуын, да тудо ег деч сбрвалмашке — кўчымашке шуын.

Кептаунышто шуко военный-шамыч лектын. Чарли апельсинным кошшо ик офицер деке миен да „пеш шуженам, господин офицер, апельсинетым кеч ик ужашыжым пу“,—маным йодын.

Офицер шужышо йочам брдыжышкб шукалын, полицейскийым ужыктен, да Чарлим тюрьмашке нангаеныт.



# 5 МАЙ БОЛШЕВИСТСКИЙ ПЕЧАТЪН

МАЙ ИЙ 1941 Е М Д И Й

## МЫЙЫН ОЕМ

„Ямде лий“ газета тунем-маште кугу польшым пуэн шога. Тудо ондаксе деч ятыр саемын.

Газетеш учений-шамыч



да нунын пашашт нерген, научный открытий-шамыч нерген, кругозорым шарыше турло тема дене ста-

тя - шамыч [печатлалтыт. Тиде путырак сай.]

Ончыкыжым газетеш дружба нерген, отличник ден ударник-шамычын тунемме опытыштым утларак возаш кӱлеш. Адакшым примердыме тунемше-шамычым шытален возыман, дисциплиным пудыртылшо-шамычым критиковатлыман. Пионер ден тунемше-шамычын ылышышт гыч ойлымаш, повесть - шамычым печатлаш тӱналза.

„Ямде лий“ газета модышым да конкурсым але шагал эртарен. Мыйын шонымаште, шушаш жапыште эн сай ойлымаш, очерк, почеламут, сӱрет, фотоснимок - шамычлан конкурсым увертараш кӱлеш.

Деткор

Петр Коротков.

Йошкар-Олинский район,  
Арбанский НСШ,  
7-ше класс.

## ТЫГЕ „ЯМДЕ ЛИЙ“ ГАЗЕТА ЛУКТАЛТЕШ



Эрдене курьерка почта гыч редакцийыш 40—50 письма-шамычым конда (1-ше фото). Тиде — мемнан деткорна, лудшо-шамычын письмашт. Теве моло серыш-шамыч коклаште Веснин Валин заказной серышыже. Валин шке звенажын испытаний-лан ямдылалтыже нерген возен да кок фотоснимкым колтен. Тудым тӱшкан ончен лектын, статьяже дене пырля снимокшымат газетеш пурташ решитлышна. Ик пашаен статьяжым тӱрлатен возыш, вара машинистка пишущий машинка дене тудым печатлыш. Статья ямде. Ынде тудым курьерка моло статья-шамыч дене пырля типографийыш мангайыш.

Художник сӱрет - шамычым ямдылен шуктен, фотограф-шамыч редакцийыш толын, школлаште сниматлыме снимокшым пуышт. Валин да фотограф-шамычын снимокшым, художникын сӱретше - шамыч цинкографийыш колталтыч (цинкографийысе паша нерген 4-ше страницыште лӱмын статья лудса).

Типографийын наборный цехыштыже кугу мӱкш-омартала койшо подставка-шамыч шога, нунын ӱмбалнышт шуко клетка-шамычлан касса улыт. Тиде наборный касса манылтеш. А клеткылаште металл дене ыштыме буква-шамыч. Наборщик-шамыч редакций гыч конден пумо статья-шамычым налын, строчка почеш строчкым погат (2-шо фото). Вара погымыштым кылат, тиде набор манылтеш. Наборым лӱмын станышко шындат, ӱмбаке шем чиям йоген, кагазым пыштат да станокеш темдалыт. Теве погымо статьян оттыске лие. Ынде редакцийын корректоржо тиде оттыскым лудеш вет наборщик-шамыч ик буква олмеш весымат йонгылышын ден кертыт. Корректор чыла йонгылышым палемда да йонгылышым тӱрлатат.

Чыла статья-шамычым тыге ыштымек, верстка тӱгалеш. Метранпаж типографийысе квалифицированный пашаже, кӱртньӧ огаш—гранкем—газетин полосаже-шамычым верстатла: макетыште—кажне полсан планыштыже—ончыктым почеш набор-шамычым шындылеш (3-шо фото). Полоса ямде. Ынде тудым станышым шындат да оттыскым ыштен луктыт. Газетышке йонгылыш - шамыч ынышт лек манын, корректор

адакат полосам лудын лектеш. Тыге чыла ныл страница-шамыч ышталтыт.

Улыл этажыште—печатный цех. Тушто печатный машина-шамыч шога. Теве изирак машинныкыже „Ямде лий“ газетин кок полосажым кондышт. Нуным йыгырерак ыштен, пентгыдын ишен шындышт. Печатник электрический токым включитлыш, да машина пашам ышташ тӱнале: полоса-шамычан кугу металлический онга кок веке коштеш, кажне гана кайме годым шем чиян валик-шамыч полосажке чиям автоматически йыгат. Токшкатышым кӱзен шогалше печатник машинныкыже газет кугытан ош кагазым пуэда. Машиннын кугу барабанже кагазым шупшыл налын, полоса-шамычеш темдалеш, ик могыреш печатлалтше газета шенгеке шкеак опталтеш (4-ше фото). Ик могыржым печатлен пытармек, вес могыржымат тыгак печатлат, вара газета экспедицийыш колталтеш. Экспедиций лу тӱжем наре экземпляр тиражан „Ямде лий“-ым районлашке шеледен колта.

Тыге „Ямде лий“ газета лукталтеш.

„Ямде лий“ газетеш 1240 деткор-шамыч, шуко поэт ден писатель-шамыч, туныктышо ден вожатый-шамыч, научный пашаен, депутат, врач, фотокорреспондент, кинооператор, композитор-шамыч возат. Мемнан дене шкенан республика гыч велӧ огул, ӱрдыж республика ден областла гычат: Башкирский, Татарский, Удмуртский АССР, Кировский, Молотовский область гычат возат.

Ик гана мемнан деткорна Федоров Александр тыгай серышым колте: „Ново-Торъяльский район, Кузнецовский сельсоветыште письмокосец Милютинна Елена газетым шукожо йомдара. Теве Федоров Арсентий кок тылзылан „Ямде лий“ газетым выписаен ыле. Милютинна Арсентийлан ик газетымат ок пу, „Ты выписаен отыл“—велӧ манеш. Мыйт „Марий Коммуна“-ым выписаенам ыле, 26 номер олмеш тудо 15 гына пуыш. Газетым жапыште ок пуэда. Газета 5 декабрьыште толын ыле, а тудо 12 декабрьыште велӧ пуыш.“ Ме тиде серышым тв-намак связын Ново-Торъяльский отделенийышкыже терген налын, мерым приниматлаш

колтышна. Вакше мемнан деке туужеч увертарышт: „Письмокосец Милютинна пашам начар ыштымышлан паша гыч лукмо.“ Тыге Александр ситыдымашым тӱрлаташ полшыш. Тыге полшышо-шамыч шукин улыт.

Деткор-шамыч деч посна редакций ятыр научный пашаен-шамыч дене кылым куча. Теве Марпединститутын преподавательже-шамыч Н. М. Мироновын, Бондаревскийын статьяшт - шамычым йоча-шамыч йӱратен лудыт.

Мемнан деке 12 фотограф-шамыч фотоснимкыштым колтыл шога. Школлаште шуко фотокружок-шамыч улыт. Ятыр йоча-шамыч сайынак сниматлен моштат. Ме юный фотолюбитель - шамычнат снимкыштым печатлена, но але шагал. Садлан ме юный фотолюбитель-шамычым мемнан деке шке снимкыштым колтыл шогаш йодына.

1939 ийыште „Ямде лий“ газетеш В. Рожкинын „Эчей“ лӱман ойлымашыже печатлалтын ыле. Тушто юный герой Эчей ачажын тушман пашажым тӱжвак луктеш. Ойлымашым лудмек, шуко йоча-шамыч шке шонымыштым редакцийыш колташ тӱналыш. Нуно кажныже Эчей гаяк шонымашан улыт.

Кодшо ийын ме 7 школлаште, теий 6 школлаште газета лудшо-шамычын конференцийыштым эртарышна. Тушто йоча-шамыч мемнан ситыдымашан ончыктышт, шке ойыштым каласкалышт. Ме нунын ойыштым потыш нална. Но ме моло школлаше шуко йоча-шамычын ойыштым, мом утларак лудаш шонымыштым, мом йӱратымыштым пален наллена. Садлан „Ямде лий“ газетин редакцийже тендан деч теве мо нерген возыман серыш-шамычым вуча:

МО МЕМНАН ГАЗЕТЫШТЕ ТЫЛАНДА КЕЛШАР МОГАЙ МЕМНАН ГАЗЕТЫШТЕ СИТЫДЫМАШ. МО НЕРГЕН УТЛАРАК ПЕЧАТЛАШ Кӱлеш? А МОДЫШ-ШАМЫЧЫМАТ ЭРТАРАШ Кӱлеш ВЕГ? ВОЗЫЗА: МОГАЙЫМ, МО НЕРГЕН?

Мемнан газета нерген чыла шке шонымашдам возен колтыза. Шарныз: вег „Ямде лий“ газета—тендан. Тудым теак лукташ полшыш, шкендан турло-турло материалда, сӱретда, фотоснимок - шамычда дене темышаш улыда.

## Мемнан пырдыж газета классын честьше верч кучедалеш

Сай да отлично тунем-маш верч кучедалмаште пырдыж газета кугу рольым модеш. Тиде задачым шуктышаш верч мемнан классный „Пионер“ пырдыж газета чот кучедалеш.

Редколлегий член-шамыч чыланат уло кумыл дене пашам ыштат. Газета план почеш кӱрылде лектеш. У ий гыч кызыт марте 6 номерым луктынна. Пырдыж газетеш йоча-шамыч посещаемость, дисциплина, успеваемость да моло нергенат активно возат.

Пырдыж газета ӱрканен тунемше-шамычым критиковатла, дисциплиным тӱрлаташ полша. Ик номереш

Васенева Татьяна, Чиршова Нина, Кропотова Фаян начар тунеммышт нерген возымо ыле. Нуно сай тунемын пеш кертыт, но ӱрканен тунеммышт дене 3—4 плохо отметкым наледенят. Газетыш пуртымо деч вара нуно тӱрланенят. Кызыт нунын начар отметкышт уке. Пырдыж газета моло ситыдымашымат тӱрлаташ полша. Газета сай да отлично тунемше-шамычын тунемме опытыштым ончыктен шога.

Шабалин Николай,

„Пионер“ пырдыж газетин отв. редакторжо. Йошкар-Ола, 10-шо номеран средний школа, 6-шо „А“ класс.

## СССР-се печать

1913 ийыште 859 газета 2,7 миллион разовой тираж дене лектын гын, 1939 ийыште 9000 наре газета 38 миллион разовой тираж дене лектын.

СССР-ыште книга - шамычым 111 йылме дене, газета-шамычым 70 йылме дене луктыт.

1913 ий дене тангастарымаште художественный литературым лумаш 1939 ийыште 5 гана лан шукемын. 1917—39 ийлаште А. М. Горькийын произведенийыжым 39

миллион утла экземплярым, М. Ю. Лермонтовын—5 миллион утла экз., В. В. Маяковскийн—6 миллион утла экз., А. С. Пушкинын 28,5 миллион экз., Л. Н. Толстойн—20 миллион утла экз., М. Е. Салтыков - Щедринын—6,7 миллион экз. дене издаватлыме.

1938—39 ийлаште 100 миллион экз. йоча литература лектын.


Советский Союз мучко 57 пионерский газета лектеш.



Снимкыште: Княжнинский начальний школышто (Йошкар-Ола район) 4-ше классысе пионерский отрядын редколлегийже шушаш номер пырдыж газетым лукташ ямдылалтеш.

Тунемше Веснин Валентинын фотожо.





Перемен жап. 7-ше „Б“ классыште тунемше МИХЕЕВ ГЕОРГИЙ гармоньым шокташ тунемеш, а 10-шо классыште тунемше ПОДОПЛЕЛОВ НИКОЛАЙ шоктымыжым проверитла. (Пектубаевский средний школа). Фото Я. ПОЛЯНИНЫН.

## Нумышо классым олесе олимпиадыш ойырымо

Школын кугу залже ончаш толшо-шамыч дене теве сцена почылто. Сценыште кумышо классын хоржо. Тудым Заплатова Октябрина вуйлата. Хор „Песня о Сталине“, „С нами поет вся страна“, „Песня о туристе“, моло муро-шамычымат мурен пуыш.

Ынде почеламут каласкалмаш, куштымаш, посна мурымаш тунале. Теве Дружинин Александрин гармонь дене шоктымыжо почеш Заплатова Октябрина ден Жукова Люса „Яблочко“ танецым пеш сайын куштышт. Шагей Ахмат „Красный мотылек“ мурым рушла да татарла муреш.

Тидын деч вара гимнастический выступлений-шамыч лийыч. Пытаргышлан Дружинин Александр „Любимый город“, „Раскинулось море широко“ да „Большая жизнь“ кинофильм гыч „Песня шахтера“ мурым гармонь дене эн сылнын шокталтен пуыш.

Тыге кумышо класс йоча творчеством ончымо школа кӱргыс олимпиадыште шкенжын эн интересный номерже-шамыч дене выступатлыш. Кумышо классым олесе олимпиадыште участвоватлаш ойрышт. А. Лазарева.

Йошкар-Ола, 10-шо номеран школа.

## Районный олимпиадыште участвоватлаш тунгалына

Тиде кечылаште мемнан школышто йоча творчеством ончымо олимпиада эртыш. Олимпиадыште ме 4-ше „А“ классыште тунемше-шамычат выступатлышна. Хор дене тунгыктышо Евдокия Захаровна вуйлатыме почеш „Сулико“, „Сталин нерген муро“, „Лывырга-лывырга“, „Ужатымаш“ муро-шамычым да ятыр частушка - шамычым мурешна. Н. Галкина ден Тупинова поснак сайын куштен улыт.

Районный да республиканский олимпиадылан тунемше - шамыч тӱрлӱ вы-

шивкым, коверым, узор-шамычым ямдыленят. Теве 1-ше звеносо пионер-шамыч вк тувырым тӱрленят. 2-шо звеносо пионер-шамыч литературный, художественный журнал-шамычым ямдыленят.

Школысо олимпиадыште мемнан класс начальний класс кокла гыч первый верым налын. Школьный комиссий мемнан районный олимпиадыште выступатлаш ойырен.

Бурин Алеша, Пиркин Иван. Ронгинский средний школа, 4-ше класс.

## Шкенам творчествонам ончыктышна

Мемнан школышто пионер ден тунемше-шамычын творчествоштым ончымаш эртыш. Олимпиадыште чылаже 110 тунемше участвоватлышт.

Хор кружок ятыр сай муро - шамычым муреш. Кокымшо классыште тунемше Глушков Ивук ден Веденькина Надя пеш сай кушталтен пуышт. А Наза-

рова Анул колхозный частушка-шамычым муреш. Тидын деч вара гимнастический выступлений, почеламут каласкалмаш лие. Олимпиада веселан эртыш. Сай муреш, куштышо кокла гыч 27 тунемшым районный олимпиадыш ойырымо.

Мамаев Иван. Ново-Торъялский район, Кузнецовский НСШ.



## Шарналтем Юл вӱд ден каймым...

Шарналтем мый кенже кечым, Юл вӱд дене кайымым. Палуб гычын сылне серым, Кужу Юлым ончымым.

Пароходын ончык каймым Тунам мые онченам. Шентеланна вӱд он лиймым Ончен мые ӱрынам.

Ок мондалтыс тиде кече, Юл энерын тӱсыжӱ, Кеч модмаште, кеч пашаште Лиеш мыйын ушышто.

Шарналтем Юл вӱд ден каймым, Ужар серым ончымым, Чайка-влакын чонгештым, Вӱдон-влакын модмыштым. Немцев Микале. Волжский район, Куго-Порат средний школа.



## Чыла нерген кӱчыкын

Мланде ӱмбалне йӱдымӱ пушенгат уло. Реюньон островышто (Индийский океаныште) люнийий пушенге шочеш. Тудо пушенгын пужо дене тусо илыше-шамыч комака тӱныкым ыштат. Люнийий ок йӱлӱ, садлан тудо пушенге дене ыштыме тӱнык шуко ийым чыта. Люнийий клеткыште южым шагал куча да пеш пентгыде древесина, садлан ок йӱлӱ манн ученый-шамыч умылтарат. Люнийийн пуштыжо смола огыт, а минеральный вещества уло.

Эн ожнысо коллан осетр шоталтеш. Шуко миллион ий ожно, эше силурийский периодыштак, осетровый кол-шамыч мемнан мландын тегызлаштыже иленят.

А эн ожнысо растений—тиде водоросль. Нунат мемнан деч шуко миллион ий ончыч лийынат.

## Кузе клише ышталтеш

Редакций гыч кондымо фотоснимок ден сӱрет-шамычым репродукционный аппаратеш пыжыктен фотоцинкографический пластинкышке сниматлат. (фотом ончо).

Сниматлен налме сӱрет негативыште лиеш. Тиде негативым копировальный отделенийшке колтат, тушто тудым цинкыш кусарат. Негативан копкышо пластинкым копировальный рамыш пыштат да лампы пеш чот волгалтармыже дене копироватлат. Тидын деч вара цинковый пластинкым вӱд дене мушкыт.

Кузе копироватлат? Штриховой сӱретын негативан пластинкыште цинкыш кусараш лийыш-шамыч вошт койшо лийыт, нунын фонышт шеме лиеш. Кушто вошт койшо лийыш-шамыч лийынат гын, лампе волгыдо дене цинкеш тудын турашак пентгыде лийыш-шамыч кодыт, а шем фон тураште цинкысе эмуль-



Снимкыште: Куженер селасе йоча садыште йоча-шамыч „кол“ кучен модыт. Фото К. Акпулатовын.

## Географический модыш

Тиде модышышто звено, отряд пӱтынек модын керыт. Чыланат тегызлаш рад дене шинчыт. Кум эн ӱрдыжеш кодыт. Нунын кокла гыч коктынжо палыше-шамыч лийыт, а иктыже—лӱм пуэдыше да йодыштыш. Лӱм пуэдыме деч ончыч чыланат условиталтыт: мутлан, энгер-шамыч лӱм дене модаш. Лӱм пуэдыше кажне модышлан тӱнямбалнысе энгер-шамычын лӱмыштым пуэда (тидын годым палыше-шамыч вес пӱлемыш лектыт). Варажым лӱм пуэдыше палыше-шамыч деч черет дене йодышташ тӱнгалеш:

— Могай энгер кӱлеш. Тудыжо, мутлан, тыге каласа: — Амур.

Модшо-шамыч коклаште кӱлан Амур лӱм пумо гын, тудо лектеш да Амурым палыше могырыш шогалеш. Вара лӱм пуэдыше вес палыше деч йодеш. Кажне палыше деч ик гана велӱ йодаш да палышлан ик ганаште ик энгер лӱмым велӱ ойлаш лиеш. Тыге модшо - шамычын чылан лектын пытымекуш, йодыштыш кажне палыше деч шкенжын палыме энгер-шамычын могай верыште умлышт нерген йодыштыш. Кудо палыше шукарак энгер-шамычым пала гын, тудо сенышыш лектеш. Государство - шамычын але СССР-се область, республика, край-шамычын столицыгым, курык, остров ден полуостров-шамычым палымыла модаш лиеш.

Сеныше эн лӱм пуэдыше лиеш, а моло кок модышты (иктыже—кычалше, весыже—ончыч лӱмым пуэдыше) моло модшо-шамыч радамыш шинчыт, нунын олмеш кычалше-шамычлан вес кок модшо-шамыч лектыт.

## УРОК ДЕЧ ВАРА

### Классыште мыняр рвезе да ӱдыр

Классыште рвезе ден ӱдыр-шамыч тунемеш. ӱдыр-шамыч рвезе-шамыч деч 13 энглан шагал улыт. А рвезе-шамыч ӱдыр-шамыч деч 13 энглан шагалак лийыт ыле гын, то ӱдыр-шамыч рвезе-шамыч деч 52 процентлан шукарак лийыт ыле. Классыште чылаже мыняр рвезе да ӱдыр улыт?

### Шарада-шамыч

Ик слогшо мур, Весыже—пентгыдема, иктеш — геометрийыште колыда.

\* \* \*

Школьный принадлежность — Первый кум буква. Пич йӱк; да вес слог ден Коштыт телым (луд мӱнгешла). Иктеш—пырдыж воктен ужыда. Коротков Матвей. Сотнурский район, Кожлаерский средний школа.

### Кругым ушыза



Тиде круг ыле. Но тудо пырдыж гыч пурен каснат, шаланен. Те тиде кругым уштарыза да круг кӱргышты могай сӱрет уло, ончыктыза.

### Ответ-шамыч

(5 апрельсе „Ямде лий“-ым ончо).

Робус. Эрэнгер. (19 апрельсе „Ямде лий“-ым ончо).

Тусто-шамыч. 1. Кол. 2. Лум кайымыш.

Эн ончыч чын ответым Мамаев Василий (Сернурский район, Родионовский НСШ), Петров Миклай (Куженерский район Б.-Царанурский НСШ) колтеныт.

сионный слой лампе волгыдо тӱкныдымӱ дене пушкыдо лийын кодыт. Варажым тиде цинк ӱмбак вӱдым йоктарет гын, шем фон турасе эмульсионный слой мушкылтеш.

Варажым копироватлыме пластинкым проявитлат да закрепитлат. Тидын почеш травильный отделенийшке колтат. Тушто цинковый пластинкым кӱлеш семын тӱрлатылт: азотный кислота дене газеташ лукташ кӱлдымӱ вер-шамычым келгемдат, лач художникын

чия дене ыштыме верже гына огыт келгемдат. Кунам вара типографийыште клише ӱмбак чиям шӱрен печатлат, кагазеш келгемдыде кодымо верышт гына лектыт.

Травитлыме деч вара цинковый пластинкым кӱлеш кугытын пӱчкедат да пуэш кырен шындат. Тидыже клише манылтеш. Клишем набор дене пырля верстатлен, полосаш шындат. В. А. Афанасьев,

Йошкар-Ола цинкографий вуйлатыше.



Ответственный редактор—П. А. КЛЮКИН.